6/16/2017 Serif Bold UDHR - Aja

# Universal Declaration of Human Rights - Aja

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, <a href="http://www.unicode.org/udhr">http://www.unicode.org/udhr</a>.

# EJUKONWO GBEFANĐEĐE SOSO ACE AGBETOTOWO ŊÚ

# **ENYOFONU**

Sosó egbexoxo do amenyinyi to alokpa dekpo kpwime kodo enusoso ci wò yi dogù wawa do eseji ko fàfà le ègbèmè,

Sosó edemaso le agbeto yoyo be agbeto me ci yi don kanlinnuwawa va egbeme, yi agbeto fon egu, yi shinxome, ehonwo yi do yi ejukonwo dé egbefan be agbetowo le vo a xonuxonu, a vo a xose, a gbédon a gu aya le eko,

Sosó agbewoxe kpokpo do ese ji o, e le vevide be wo de do a zin ameji; no de nyi nene o, agbeto a va so ezo ta, a so nyidon le akon, a fongu do eganwuame kodo ametafudotowo ji,

Sosó nusendodo no dekawawa ko exlododo a yi nuko le ejukonwo gblame,

Sosó enyo ciwo yi le esewemame wowo ejukon ciwo yi do ĐEKAWAWAGBE gbé degbefan yi nu be yewo kando agbeto cewo ji, le amenyinyi ko eyi wanawome, lé ŋusuwo kodo nyonuwotasoweme, yi yewo so egbe do eju no nonome, nukoyiyi, no agbemenono a nyo no ame kpu, no agbeto a kpo vovo a wa enu ci yi drwi,

Sosó ejuwo kodo wowo kplekplegbe gbesosome, no wo a so na bubu agbeto, a mi dàdà le eyi cewo ji no agbeto a vo fàfà.

Sosó dandandanme o, gbohwe agbe towo a wa do egbèfan lo ji o, wo do a dó susu deke do ace kodo vovokpokpo lo wo ji.

#### **EYITAĐO**

BOBOGAN DE EGBEFAN CE soso ace agbetotowo nu;

Egbefandede ce yi nyi ejukonwo, plenu do, yi wo a wa no, yi ameshyame kodo wowo bobowo a do no enukuvi, a tekpo, soto enukplankplan ko enununyanya gome, a tekpo no amebubu ko vovokpokpo a yi ameshyame kodo wowo bobowo a do no enukuvi, a tekpo, soto enu kplankplan ko enununyanya gome, a tekpo no amebubu ko vovokpokpo a yi nuko kenu no, le blewublewume o, edo lowo a nyi wawa le ejukplekple lowo me, no wo a zan wo nyononwito le ame ciwo yi do kple kplegbe lowo xwe kodo ame ciwo yi wo so do alome no wo nó wo a kpa ace no wo.

### Akpa 1

Agbetowo plenu vano gbeme ko vovodeka gbeswegbeswe, soto amenyinyi ko acewo gome; wo xono susunywin ko jimenywi so esexwe. Wo do a we novi dada wowo nonowo gbo.

# Akpa 2

Amedekpokpwi do a kpo nyona le ace ko vovo ciwo yi le egbe fandede ce lo me. Amede de do egbe a mo ako, gbaza, nusukonyonunyinyime, egbe, sènsèn, politikinyo alo enyobudewo ci yi kan agbeto, dokun, jijixwe alo enyo alokpabude yi a na yi agbeto da kpo nenehan nyona.

Serif Bold UDHR - Aja

6/16/2017

Só zeto yenu o, wo de do egbe a zondo politikise alo jejeshi le xixeme no eju amedeéto nu a de eju lo do akpo. No eju cime amelo so xo ablode can e le ejubuugonme can, de le yidekishi can alo de do egbe a zan yideki le ci e drwi nene can o wo de do egbe a didoakpo.

### Akpa 3

Amedekpokpwi do no agbenono le vovokpokpo ko kandoji amenutoto me.

# Akpa 4

Amede de do egbe a so ehalo wa ahwashi alo kannumo; agbeto a so wa ahwashi alo kannumo le alodekpo kpwinu nyi ese.

### Akpa 5

Wo de do a de efun no agbeto, kpo wo da do aya no agbeto, a wa xomevevenu, elannu alo enudèagbetokpoto nuwo kodo medekpokpwi.

### Akpa 6

Amedeka do egbe a nya le afidekpokpwi mo agbetonyinyi yeeto do ace kodo ese ciwo wo do a nyi.

### Akpa 7

Le ese nuko o, agbetowo plenu nyi enudeke, é le gbeswegbeswe; wo do egbe no condoji alo nyona esetowo gbeswegbeswe. Wo plenu do egbe no condoji dekenume egacime yi wo dedeo voklan do enumowe a so gban egbefandede ce lo kodo wanadekpokpwi ci a na yi wo a gbin.

#### Akpa 8

Agbetɔdekpokpwi do egbe a je ehwɛ le kojodoxu eyijumɛtɔ ci gbɔ a je ehwɛ le dru nɔ wo gban acɛ alɔmajeŋu ciwo ese gangan alo ese gbalidekpokpwi ni wo.

#### Akpa 9

Wo de do egbe ci a le ame gbali gbali enudemawamawa, akpanu sensento a so do egame alo a do ese a so nyi ti le eyijume.

### Akpa 10

Agbetɔdekpokpwi do acɛ, le egbe sɔswɛ koŋu mɛ yi enyɔ ci nu ɔ yi e le ɔ, wo a si ni shigbe le wo a se amɛbuwotɔ nɛnɛ, le ahwamɛ le kojodotɔ ciwo ji wo da ʒin, yi wo a nɔ enyɔji, wo da nɔ agbetɔji. Le eganɔmɛ ɔ, kojodotɔlɔ a nu acɛ kodo esekɔnyinyi eyitɔwo ni alo adodwi ci le enyɔ vwin ciyi byɔ etodɔndɔn ciwo yi wo dodo ɔ ni.

#### Akpa 11

- 1. No wo do enyovwin ciwo byo etodondon no amede o, gboxwe ese a xo meloo, kojodotowo do a defyo le ahwame, le esemonu mo nenehame o, ye wa enyovwin ci yi byo etodondon nyawo, madefyo godu o, wo de do egbe a mo melo wa nenehamee nu. Le kojo lo doxu o, wo do a tekpo a hwlingan le ese nyikome gboxwe a glo.
- 2. Wo de do egbe a so ese xo amede no enyo alo enumadoeni ci yi ese eju lo to alo ese ejuwo plenuto de gbe le hwecinu wo wa enu lo. Neneke o, ese de xo enuvwin ci yi byo etodondon deo, ese hunno yi wo a so xo ameci yi je ago lo le hwenonune; wo da don eto no amelo wugan eto ci ese hwenonuto lo byo.

#### Akpa 12

Wo de do a so tafutafu a yi je amebunyome a so xodyi yi ko eyi mewo, eyi nuwo neneke o, ganwuameto de de do àce azin amebu wenawo ji a hlen, yi a gbe so gble nyiko ni; ese lo, gbe nene wanawo.

#### Akpa 13

- 1. Amede kpokpwi do ace vo, a dyi sa a yi afi ci yi drwi; neneke yi e do ace a do noxu le eju de kpokpwi me.
- 2. Amede kpokpwi do ace a to le eju de kpokpwi me: e senn to le eyi ntɔ jume a yi kaka a gbe trɔ gbɔ va me fafede.

### Akpa 14

- 1. No eganwuamecekpatowo je egame no amede o, no ame lo a so sennu a hwlen eyi ta o, e dogbe a byo bexu eju de kpokpwi yi eju lo do a xwe fafa de.
- 2. No amede je esenu me nyao o, ace ejukonwo plenuto cide de nagbe be yi le shito a yi eju bu me.

# Akpa 15

- 1. Amede kpokpwi do a nyí ejudekamevi.
- 2. Eganwuamecekpato de de do ace yi a gbe no eyi jumeto de be yi da gbe nyi yewo jumevi; neneke de do ace yi a gbe ni be yi nu gbe so eju bu a tro eju hon me vi.

### Akpa 16

- 1. Le asudede alo nyonudede game ɔ, dekajɛ ko cugbejɛ ciwo yi nyi akɔbunɔwo, ejubujubumɛtɔwo alo sɛnsɛn ebuebu mɛ tɔ wo ɔ, wo sɛnŋ de wo nɔnɔ wo, yi a sɔ egbe do eju a gbaku. Acɛ deka nmɛ yi wo do le enushyanumɛ so dede hwenu kaka va sɔ yi wo dekiwo gbegbe hwenu.
- 2. Ame ciwo yi jiji a de wo nonowo o, wo vi do a na egbeta dekanume gbohwe eju a nya be wo de wo nonowo nyao.
- 3. Wố jitowo yi nyi nuklen alo esha ci yi a le nko no wo: neneke yi wo do a nyi kuku le eta no wo ne.

# Akpa 17

- 1. Ame deka kpan yo a, alo e le egbebobome yo o, e do ace do eyi nto nuji.
- 2. Ace de kpokpwi de do a xo amenutonu leshi ko akpasensen.

### Akpa 18

Amede kpokpwi do ace a vo le enu ci yi druii le eyi tame, ejime ko sensen kpaxwe; e sennu gbé doli sensen kodo eyi susu lo wo, alo a de wo to no eju a jeshi; e sennu like no sensen ko susu lowo a don amewo bo do eyi deki nu so to nukoyiyi le enukplankplan enuwawa, kodo sensen alo sensenwanawo plenu nu.

### Akpa 19

Agbeto dekpokpwi do ace a vo le eyi susu alo eyi tamebubume; e do ace a vo a nu enyo ci yi le susume ni no eju a se; e do ace a ji gonme no enuwo ko enyowo, a to emowo kenukenu ji a drá wo no xìxè kònune alo ejuwo kpu a se; enude kpokpwi de do a donuklen alo vonvon ni.

### Akpa 20

6/16/2017 Serif Bold UDHR - Aja

- 1. Agbetə dekpokpwi do ace a vo le bəbəwawa kodo egbe ci yi gbe ahwawawanyəwo gbə.
- 2. Wo de do a so eganwuame a so lon ame do ehabobodeme.

### Akpa 21

- 1. Amede kpokpwi do a so eyi fo cute a kpankon le eyi ju nukoyiyi wanawo me, alo a nagbe no amebu a we.
- 2. So to edowa gome o, amewo plen do a kpo texwe gbeswegbeswe.
- 3. Ejukonwo drodro o, eyi a nyi esha le nuko no ejuwomecekpakpa. Eyi ji yi wo do a zon no no akodadawo do jojwe ji gamegame.

### Akpa 22

Amedekpokpwi le egbeme do a vo faa a kpo nyona soso alodowome, alodo honwo a na yi a kpo vivivi le ace ciyi kan dokunmowo, agbeto enunuyanya ciwo de do a hwedo ame, yi a na nukoyiyi no amenyinyi le hlon hlon eju dekadeka ko wowoxlowawame. Nenehame hlonhlon ko exlowawa kan dokun eju dekadekato.

# Akpa 23

- 1. Amede kpokpwi do a wa edo ci yi je kodi le jume, yi a kpo nyona ciwo yi le edo lo wawame.
- 2. Evototo dekpokpwi de do a no ehocucume no edo dekamuwatowo.
- 3. Edofencu o, e do a sun edowato ko eyi xomuwo, vo no da suno, wana bu dewo do a le e jume a so na wo vovo.
- 4. Edowato dekpokpwi degbe a do edowatowobobo ci yi drwi me a sen nu a gbe no ametafu.

### Akpa 24

Edowato dekpokpwi do a dó gbongbon hwenu a so vo, edowagamewo do a nyi dredreme. Le exwekpegbonjwiin eyi towo me o, wo do a cu no efen ni.

### Akpa 25

- 1. Amede kpokpwi do a do enu ci yi a so kpo eyi ko eyi xomuwoji soto lanmesen, enududu, acododo, xomenono, dotoxweyiyi ko alodoamejudowaxu ciwo a na yi wo a vo; wo do a no godu ni le edomakpowa game, edolehwenu, le ekpoxome, nyoxome, neneke le enuwanu ciwo yi de so eyinuto drodro nu wo hwenu.
- 2. Alodu de do a li no evijitowo ko wo vi. Evi ci yi asu ko ashi ji ji ko ci yi wo ji le gbanji wo o, wo so enu le ejume, yi evototo de de do a no wo me.

### Akpa 26

- 1. Amede kpokpwi do a yi sukulu a xo enunyanya gbaligbali, e glo ka ka can o, a xo enunyanya gonmeto dandandan. Alonudo kplanxu sukulu wo do a ni no ame kpu. Sukuluganwo o, wo do a hun wo no ame ciwo nununyanya je àbà hon me no.
- 2. Sukulu do a na wo a nyanunu so to agbetobubu gome. E do a na yi wo a nya be enusokeame, exlowawa le ejuwo glame akowo alo sensen wo gblame kodo ejuwokplekplegbe nuwanawo ci wo a na yi vovo a no gbeme, enu honwo o, enu vevi yi wo nyi.
- 3. Kplankplan ciha nume yi deviwo a xo o, e do a nyi wo jitowo nyo.

6/16/2017 Serif Bold UDHR - Aja

1. Agbetodekpokpwi do a vo a wa emumumunuwo kodo eyitowo, akpo jijole adanudododowo gbo, kenu a no waxu no nukoyiyi soto enudwi kuku gome kodo wanywi ciwo yi a to le me.

2. Amedekpokpwi ci yi nyi edodewato dogbe a hwlen wananywi ciwo yi to le eyi nudwikuku gome, eyi danudodowema ko eyi danu gome.

# Akpa 28

Amedekpokpwi dogbe a byo be hannyahannya nugbe no ejume, no wo a zon do ace kodo vovokpokpo ciwo yi zé le gbefandede ceme, soso agbetononome gbe soso ejukonwononome.

#### Akpa 29

- 1. Amedekpokpwi do a wa edo no eyiju cime yi eyi nonome alo eyigbetonyinyime a to le, le vovokpokpo kodo nukoyiyi adodwi gome.
- 2. Le eyice kodo eyivovokpokpozanzanme o, ese dowo yi a gbe enyo no ame no wo a so jeshi amebucewo kodo eyi vovokpokpowo gbohwe a so kpo emo a dra enu do le wana gome, le hannyahannya ma do dó acekpakpame kodo vovo gbaja le eju ci yi ya no eyidekishi.
- 3. Tretregbedi, wo de do egbe a zon ace cewo kodo vovokpokpo cewo to amebudewo ciwo de nyi afodoxuwo no ĐEKAWAWAGBE EJUKONWOTO.

# Akpa 30

Ejudekpokpwi, ehabəbədekpokpwi, amεdekpokpwi de do egbe a sə Egbe fandede cε a sə wa enubadade alo a sə wa kanlındəde shigbe a sə gbe be agbetəwo da zan acε ko vovokpəkpə ciwo yi ze le wemacεmε.